

## آبونه شرائطی

ممالك عثمانیه ده سنه لکی (۶۵)، الق  
آیلغ (۳۵) غروشدور .

ممالك اجنبیه ده سنه لکی (۱۷)، الق  
آیلغ (۹) فرانقادر .

## اداره خانه

باب عالی جاده سنده دائره مخصوصه

## اخطارات

آبونه بدلی پشندور .

§

• سلاکه موافق آثار مع الممنونیه قبول  
اولنور . درج ایدله یازیلر اعاده  
اولونماز .

# الکشاف

۱۳۳۰

دینی، فلسفی، علمی، ادبی، سیاسی هفته لق مجموعه اسلامیه در.

## اخطارات

رساله مزدن آلمدیغی کوسترلک شرطیه  
بتون یازیلر هر هانکی بر خزن طرفان  
اقتباس اولونه بیاید .

§

مکتوبلرک، امضالرک واضح و اوقوناقلی  
اولمسی و آبونه صره نوموس محتری  
بولونمسی لازمدر .

§

ممالك اجنبیه ایچون آبونه اولانلرک  
آدرس لریشک فرانسزجه ده یازلمسی دجا  
اولنور .

§

پاره کوندرلدیکی، ان نه یه د ثراولدیغنک  
راضعا ییلدیلمسی دجا اولنور .

والله یهدی من یشاء الی صراط مستقیم

صاحب و مدیر مسئول نع . اشرف ادیب

اتبعون اهدکم سبیل الرشاد



یوکسک واورته تجارتخانه لرده هان اکثریتله فرانسه زجه بیلنلر وارددر. تجارت عمومیه اکثریتی تشکیل ایدن عرب خرسیتیانلرک النده در. مسلمان عرب قارده شلریمزده تجارت بیکانه دکلددر. اولرکده تجارتخانه لری وارددر اساساً بوراده عنصر اسلام؛ پکده عطائله توصیف اولونه ماز. یکریمی سنده نبری عنصر اسلامک تجارت عالنده پک ایلهری کیتدیکنی صلاحیتدار بر آغزیدن کمال مساریله ایشتم. شیمدی آرتیق مسلمانلر، ثروت عمومیه نک پوزده قرق - الی کبی مهم بر قسمی الارینه کچیرمشلر. لسان، سیما، قیافت، حتی اکثر اسملر، مسلمانلرله خرسیتیانلر آره سنده اصلاً علامت قارقه اولامیور. محمد، علی، حسن، حسین، مصطفی کبی تاریخ دین اسلامده یاشایان اسملر مستننا اولمق اوزره دیکرلری هان تماماً مشترکدر.

عربجه دن، فرانسه زجه دن بحث ایتدمده تورکجه بی قاله آلامادم. چونکه «یروتده تورکجه» جداً مهم بر موضوعدر. بر ایکی سطرله بو ایشک ایچندن چیقلمش اولماز. شیمدیلاک یالکیز تورکجه؛ یروتده کندینه بر موقع قازانق ایچین اصلاً چالیشماشدر وچالیشمیور دیه جکم. تورکجه، بوراده نیم رواجده در، چارشیده عادتاً بر یابانچی پاره کبی کچر. انشاء الله ایلروده «یروتده تورکجه»، «یروتده فرانسه زجه» وحتی «یروتده عربجه» مستقلاً برر مکتوبمه موضوع اولاجقددر. سووکیلی عربجه مزده بورا خلقتک آغزنده پک پریشان برحاله کلدیکی ایچین حقیقه امداده محتاجدر. بوراده یومی متعدد و مختلف غزته لر چیقار. اکثری عربجه در. بر ایکی دانده فرانسه زجه وار، بالخاصه «Le reveil» غزته سی ایله «Journal de beyrouth» اللرده کورونور.

فتی العرب، الاصلاح، رأی العام، لسان الحال، البشیر، النصیر... الخ عربجه نشر اولنور. ایلاک اوچی مسلمان غزته سیددر. بوتورلو تورلو غزته لرک هربری برهوا چالقمده در. بونلرده علمه، آالن ترینه توقف ایدن مقاله لر اوقومق یادراً میسر اولور، هوای سیاست ایسه صوغوق صیجاق اسرطورور. «علوم اجتماعیه» مجله موقوته سی جدیت ورواجه نامزد بر مجموعه یکانه کبی در. بونلردن باشقه هفتته ک انتشار ایدن بر ایکی غزته داها ایشیدیلر.

بیروت حقنده یازیله جق ایلاک مکتوبده «بلدیه دن» بحث ایتهمک هان هان برکنه حسی صایلابیلر. انسان هر شی دن اول بو کوزل، بو معمور شهرده کوزلک و تمیزلکدن آکلار و بونکچون دیدینر بر بلدیه کورمک ایستر دکلی؟ فقط یالکیز ایسته مکله قالسین، هیچ آراماسین. زقاقلرک اک معتنا جاده لرک اک بویوک دردلرندن بری «بلدیه دن التفات کورمه مک» در. قیشی «سورکلی یاغورلر» دن عبارت اولان یروتده انسان، «سوقاقلر چامور دریاسی حالنده» سوزینک معناسنی براسکی استانبوللو قدر چابوق آکلایبیلر. بونکچون بوراده هرکس بلدیه دن دعواچی. حتی بلکه بلدیه ده حالندن مشتکی در.

یروتمزده بویوک مسلمان شهرینک فضالرینی ترین ایدن یوکسک

حملات انطباعنه حاضر لامقله مشغول اولمغه باشلامشدم. بوتون بو استحضارات؛ فرداسی کونی ایرکن اویانق ایچین قوتلی بر «تلقین» برینه کچمشدی؛ صباحلین هان واپور خلقتک یری اولان طاقیله برابر اویاندم. واپور من صول طرفه دوشن لبنان طاغرینه وساحله موازی بر خط تعقیب ایده رک مستغنیانه ایلرله یور، دیگر طرفدن کیجه، کوندوزه صوک نفسلرینی تسلیم ایدیوردی. ذاتاً اون اون ایکی ساعتدنبری زبون هیجان اولان روح؛ بو آق دکزلر - سوریه صباحنک حضور جاننده، خاشع و تسلیمکار، چیرین یوردی.

شرق، اولا بریاسمن دریاسی حالنده ایدی؛ یاواش یاواش بو بومحیط مطرک اورتیه سنده بر آغوش کل کون آچیلدی: کونش طوغو- یوردی. اونکله برابر افقک مشیمه زرتارندن بیروتده طوغمایه باشلادی. بو سوکیلی وطنیاریه استقبال ایچین کوکلمله برابر بوتون طبیعت، آیاقلانمشدی. کونش، آیین وصالک موقع شرفی اشغال ایدیور، بز اونک آهنگ حق سراسنه پی ور اولویوردق.

بیروتک عمومی منظره سنی طویه طویه تماشا ایده رک یا قلاشیوردق؛ نهایت اسکله، لیمان، واپورلر زرهیلر... هپ آچیق صاچیق کورونمکه باشلادی. اوت واپورلر، زرهیلر، بزه یابانچی ورقیب بایراقلرله کوکس قابارتان واپورلر، زرهیلر و بونلرک اورتیه سنده ایلردنبری بوغولوب قالان، رحیم برال بکله یین «عون انه» مز... یروتده یدیکم ایلاک خنجر، ایشته بواولدی: الله معینمز اولسونمی؟

وطنمک قابوسنده قازاندیم بوایلک یاره؛ عینی رحمت اولدی. طوبراغمه زه عقلمی باشمه آلاق آیاغمی آتدم. آرتیق صباحک جالنه، اقلیمک کالنه، ییلدیزلرک ملالنه وداع ایتک لازم کیلوردی. شیمدییه قدر بو مبارک طوبراق نامنه ذهنمه تکاثف وترسب ایدن منقولات معرفتی برر برر ایقاظ ایتدم. آرتیق هم حس ایتک، هم دوشونمک، هم تحیل ایتک ایسته یوردم. سزه بومکتوبمده ایلاک کوروشدن بحث ایده جکم ایچین طویغوم، دوشونجه لرمده بو حدودی محافظه ایتک ایسته رم: بیروت، مدینت حاضره نک تمثیلنه اوغراشدینی شهرلر مزدن بریدر. انسان ایلاک نظرده بو حقیقتله قارش قارشیه کلیر. بویوک تجارتخانه لر، بویوک بنالر، جاده لر، الکتریقلی تراموا یلر؛.. مدینت غربیه نک بورالرده صالحین براسیتلا کوستردیکنی آکلایر، فقط بوتون بوتجلیاتک اتکارنده بطی وخاسر برشرق روحی نالاندر. مثلاً بویوک والکتریقلی تراموا یله مطرز برجاده دن کچرسکیز که ایکی طرفنده غرب وشرقک تمایل تجارتی صف بسته اقبال وادباردر؛ پک زقاقلردن برینه کیریگز، کندیکیزی بیروتک قرون وسطایه عائد چارشیلرندن برنده بولورسکیز. فقط بونلرکده کندیلرینه کوره برلطفاتی، برهای وهوبی وارددر. جاده لرک، وسائط نقلیه نک ازدحام فعالنده فس، هر نوع سرپشه غالبدر. بیروتک اکثریت نفوسنی تشکیل ایدن خرسیتیان عربلردن شایقه لییه نادر تصادف اولونور. عربجه، الکشايع لساندر. فرانسه زجه بیلنلر، چوق بولونور.

مناره‌لری آرایان کوزلر، یورولور. «جامع» نام شریفنک آیاصوفیه‌ی، فاتحی، سالیانیه‌ی کورنلرک غیله‌سنده یاشاندیغی صورتلره تقریبی همانده ممکن اولمایان بر «بویوک جامع» مزدن صوکر آرتیق مسجدرلر صایلمایه باشلار.

آمریقایلرک، فرانسلرک، شو آلمانلرک، حتی روسلرک بورایه قوردقدقلری مدھش عرفان دوزاقلرندن «ایلک کوروش» مکتوبمده ناصیل بختله جسارت ایده بیایم؟ دیلارده داستان اولان آمریقان وفرانسز مؤسسات معارفی، دییه بیلیم‌که، هر ایلک توجه ایدن بصر و بصیرتی قاماشدیریور، باغلا یور. انسان؛ بومظم بنالرک قارشیسنده کوچولوب قالیور وصورویور: «زرددهیم؟». زرده اولدوغنی آکلایان دماغ، ینه طورامایور: «ناصریل اولمش؟» دییور. ایشته بز بوصوک سؤال ایچون جواب بولمایه چالیشمالی یز.

اوت فصل اولویورده اونلر یاییور، بز یاپامایور. او حالده ناصل یایدقلری، ناصیل چالیشدقلری اوکرملی یز. چالیشمق اصولی بیلیمه‌مک؛ برون بزم الک بویوک جهلمزدر. بن؛ بن بوراده ناصل چالیشدیغنی قابل اولدیغنی قدر اوکرملکه چالیشاجم. حقیقته، واقعاته قارشو یوزمزی اکشتمک، جانمزی صیقمق؛ هیچده خیره دلالت ایتمز. هر شی دن اول اورته یرده کوزمزه باطوب طوران بودلر با تفائیسی تقدیر ایتمی، صوکر هان مشق آلمایه باشلامالی یز. چونکه: بزه زمان او قدرجق برمساعده بیله کوسترسه ینه برشی‌در. چونکه بوفرصت؛ نازک وقتاندر.

ایلک مکتوبمک صوک سوزینی شو یله انتخاب ایدیورم: صوک زمانلرده باشمزه کان فلاکتلرک الک فاجعلری کوزلرمله کوردم. بونلرک هیچ بری، بنی مأیوس و بدین ایدمه‌دی. شیمدی‌ده بیروندهیم. فقط ینه بدین، ینه مأیوس دکام! حارث ابن هام

## حیات اقوام اسلامیه

### هند جزائر شرقیه‌سی مسلمانلری

هند جزائر شرقیه‌سی دینلجه جاوا، سوماترا، بورنه‌و آطهلریله اوحوالیده دیگر برطاقم آطهلر مراد اولورکه اهالیسی - پک آزمقداری استئا ایدلدیکی حالده - کاملاً مسلماندر.

معلومدرکه بو آطهلر فلمنک حکومتک اداره‌سی آلتنده بولونیور. فلمنک حکومتی اساساً قوتلی برحکومت اولمادیغنی ایچون مسلمانلری عاجز، پریشان برحاله بولندیرمق؛ اونلرک انتباهنه مانع اوله‌جق هر درلو مظالمی اجرا ایتک سیاستنی تعقیب ایدیور. مثلاً بر مسلمان بولندینی شهردن یانی باشنده‌کی دیگر برشهره کیتیمک ایستسه مطلقاً مرور تذکره‌سی آلمق مجبوریتمندهدر. بو تذکرده بادهوا اولمایوب معین بر باره مقابلنده ویریلر.

اهالی اصلاً مکتب آچامازلر. حکومتک مکتب رسمیه‌سی ایسه پک ابتدائی بر حالدهدر. بومکتبده تاریخ اسلام درسی صورت قطعیده ممنوعدر. مطبوعاته کذبجه مسلمانلر غزته چیقارمق، حقنه مالک دکادرلر. حجازه کیتیمک ایستینلره فوق‌العاده مشکلات کوستربلیدی که حالده اولیاددر. مسلمان اهالی مکّه مکرمه‌یه هجرت ایدر قورقوسیه حکومت کیدوب کاه تذکره‌سی ویرمکسزین کیمسه‌یی حجه بیراقاز.

برکت ویرسین که الله بومظلوملرک امدادینه یتیشدی؛ شئون عالمده بر چوق انقلابات حصوله کادی؛ روسلرله ژاپونلر آره‌سنده جهلنک معلومی اولان محاربه ظهورایتدی. ژاپونلرک موققت کامله سیله‌نهایتلنن؛ بوتون جهان مدنیتی حیرتلی، دهشتلر ایچنده براقان بو حرب اقصای شرقه یاقین اولان مسلمانلرک کوزینی آچدی. غزته‌لر چیقارمایه، مکتبلر آچایه باشلادیلر. فلمنک حکومتی ده آرتیق مکتب آچایه مجبور اولدی. کرک اهالینک، کرک حکومتک تأسیس ایندیکی مکتبلرک عددی بیکلری بولدی. غزته‌لرده انتشاره باشلادی.

چینده «ابن‌السماء» اعتقاد اولنان حکمدارک سقوطی؛ جهوربتک اعلانی اوزرینه جاوا مسلمانلری رازدها انتباهد کلدیلر، «انجمن اسلام» نامیله بر جمعیت وجوده کتیردیلر، اعضاسنک عددی بیکلره بالغ اولان بوانجمنک مقصدی وطنلرک، وطنداشلرینک علمی، اقتصادی ترقیاته مظهر اولسیدر. جمعیت اهالینک ضرورت قطعیه اولمادقچه اجنبی امتعه‌سی آلاماسنی؛ بوتون حوائجک مضوعات محلیه میانسندن تأمین ایداسنی بر قانون صورتنده قبول ایتدی. بویایده اهالی‌ده یکی یکی حسلر اویانمایه؛ صنایع محلیه ترقی ایتکه؛ آوروپالیرک جنبه آققده اولان ثروتلر مملکت ایچنده قالمایه باشلادی.

ایکنجی بر جمعیت ده تشکل ایتدی که «کنجدر انجمنی» نامی ویردکاری بوجیمتک هدف مساعیسی جهلک ازاله‌سی؛ علمک، عرفانک تعمیمی‌در. بونلر اهالی‌ی جهالتدن قورتارده‌جتلر، کندیلرینه حیات حریتک؛ حیات معرفتک ذوقی آکلاته‌جقلر.

اوچنجی بر جمعیت ده وارکه بونک مقصدی مسلمانلر آره‌سنده حقیقی بروحدت، ابدی براتفاق حصوله کتیرمکدر. آغستوس آینده مهم برحادثه ظهور ایتدی:

فلمنک حکومتی کندی حربت واستقلالنک سنه دوریه‌سی مناسبتیله جزائر شرقیه‌ده عظیم براحتفال ترتیب ایدرک شنلکله اشتراک ایتلری ایچون عموم اهالی‌یه دعوتلر کوندردی. غزته صاحبی اولان مسلمان کنجدرلندن برچوغی بودعوته اجابت کوسترمیدیلر؛ «مادامکه بزم مملکتتمزده حریت یوقدر؛ مادامکه بزم استقلالز باشقه برقومک تحکمی آلتنده محو اولوب کیتمشدر، آخرک حسابنه بزم حریت بایرامی یایماسنر پک معناسز بر حرکت اولور.» دیدیلر.

طبیعی بو حال حکومتک شدتی جاب ایتدی، دعوتنه اجابت کوسترمه‌ین کنجدری طوتوب حبسه آتدی. آنجق مسلمانلر بوشده قارشی البرلکیله قیام ایدیورنجه حکومت ده یلکنلری صویه ایندیردی.